



ПСАЛТИРЬ



ИЗДАТЕЛЬСТВО МОСКОВСКОЙ ПАТРИАРХИИ
РУССКОЙ ПРАВОСЛАВНОЙ ЦЕРКВИ
МОСКВА • 2018

УДК 27–528
ББК 86–372
П 86

Рекомендовано к публикации
Издательским Советом
Русской Православной Церкви
ИС Р18-744-3734

Псалтирь. – М.: Издательство Москов-
ской Патриархии Русской Православной
Церкви, 2018. – 352 с.

© Издательство Московской
Патриархии Русской
Православной Церкви, 2018

ISBN 978-5-88017-670-0



МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ

Разумно да будет,
како подобает особь пети Псалтирь

Аще иерей, глаголет:

**Благословен Бог наш, всегда, ныне
и присно, и во веки веков.**

Аще ли ни, глаголи умиленно:

**Молитвами святых отец наших,
Господи Иисусе Христе Боже наш,
помилуй нас. Аминь.**

Слава Тебе, Боже наш, слава Тебе.

**Царю Небесный, Утешителю, Душе
истины, Иже везде сый и вся испол-
няяй, Сокровище благих и жизни
Подателю, прииди и вселися в ны,**

и очисти ны от всякия сквёрны, и спаси, Бла́же, ду́ши на́ша.*

Святы́й Бо́же, Святы́й Кре́пкий, Святы́й Безсме́ртный, поми́луй нас.
(Трижды)

Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

Пресвята́я Тро́ице, поми́луй нас: Го́споди, очисти грехи́ на́ша; Влады́ко, прости́ беззаконіа на́ша; Святы́й, посети́ и исцели́ не́мощи на́ша, и́мене Твоего́ ра́ди.

Го́споди, поми́луй. (Трижды)

Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь.

* От Пасхи до Вознесения вместо этой молитвы читается тропарь:

«Хри́сто́с воскресе́ из ме́ртвых, сме́ртию смерть попра́в и су́щим во гробѣхъ живо́т дарова́в». (Трижды)

От Вознесения до Троицы после предначинательной молитвы: «Моли́твами святы́х оте́ц на́ших:» сразу читается «Святы́й Бо́же:»

О́тче наш, И́же еси́ на Небесе́х! Да святі́тся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насу́щный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Тропа́ри сия́, глас 6:

Поми́луй нас, Го́споди, поми́луй нас: вся́каго бо отве́та недоуме́юще, сию́ Ти моли́тву, я́ко Влады́це, грѣшнии прино́сим: поми́луй нас.

Сла́ва Отцу́ и Сы́ну и Свято́му Ду́ху.

Честно́е проро́ка Твоего́, Го́споди, торже́ство, Не́бо Це́рковь показа́, с челове́ки ликуютъ А́нгели. Того́ моли́твами, Хри́сте́ Бо́же, в ми́ре упра́ви живо́т наш, да поёмъ Ти: аллилу́ия.

И ны́не и прѣсно, и во ве́ки веко́в.
Ами́нь.

Мно́гая мно́жества моѣх, Богоро́дице, прегрешѣний, к Тебѣ прибе́гох, Чѣстая, спасѣния трѣбуя: посети́ немощствую́щую мою́ ду́шу, и моли́ Сы́на Твоего́ и Бо́га на́шего, да́ти ми оставле́ние, я́же соде́ях лю́тых, еди́на Благосло́венная.

Господи, помилуй. (40 раз) И поклонися, елико ти мощно.

Молитва Святей Живоначальной Троице:

Всесвятая Троице, Бо́же и Содѣтелю всего́ ми́ра, поспѣши́ и напра́ви се́рдце моѣ, нача́ти с разу́мом и конча́ти де́лы бла́гими богодухнове́нная сия́ кни́ги, я́же Святы́й Ду́х усты́ Дави́довы отры́гну, ихже ны́не хо́щю глаго́лати аз недостойный. Разу́мея же своѣ невѣжество, припа́дая молю́ся Ти, и е́же от Тебѣ по́мощи прося́:

Го́споди, упра́ви ум мой и утверди́ се́рдце моѣ, не о глаго́лании усте́н стужа́ти си́, но о разу́ме глаго́лемых веселѣ́тся, и пригото́вится на творѣ́ние до́брых дел, я́же учу́ся, и глаго́лю: да до́брыми де́лы просвещѣ́н, на суди́щи десны́я Ти страны́ прича́стник бу́ду со все́ми избра́нными Твоѣими. **И ны́не, Влады́ко, благослови́, да воздохну́в от се́рдца, и язы́ком воспую́, глаго́ля си́це:**

Приидите, поклонимся Царѣви нашему́ Бо́гу.

Приидите, поклонимся и припаде́м Христу́, Царѣви нашему́ Бо́гу.

Приидите, поклонимся и припаде́м Самому́ Христу́, Царѣви и Бо́гу нашему́.

Та́же постой ма́ло, донде́же утиша́тся вся чу́вства. Тогда́ сотвори́ нача́ло не вско́ре, без ле́ности, со умилѣ́нием и сокруше́нным

сёрдцем. Рцы сие: Блажен муж: тихо и разумно, со вниманием, а не борзяся, якоже и умом разумевати глаголемая.

На коейждо «Славе» глаголем:

Слава Отцѹ и Сыну и Святому Дѹху, и ныне и присно, и во веки веков. Аминь.

Аллилу́ия, аллилу́ия, аллилу́ия. Слава Тебѣ, Бѹже. (Трижды)

Господи, помилуй. (Трижды)

Слава Отцѹ и Сыну и Святому Дѹху, и ныне и присно, и во веки веков. Аминь.



ПСАЛТИРЬ ПРОРОКА И ЦАРЯ ДАВИДА

КАФИСМА ПЕРВАЯ

Псалом Давиду, не написан у еврей, 1

¹ Блажен муж, иже не иде на совет нечестивых, и на пути грешных не ста, и на седалищи губителей не седе. ² Но в законе Господни воля его, и в законе Его поучится день и ночь. ³ И будет яко древо, насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. ⁴ Не тако нечестивии, не тако: но яко прах, егоже возметает ветр от лица земли. ⁵ Сего ради не

воскрёснут нечестивии на суд, ниже грёшницы в советъ праведных. ⁶ Яко вестъ Господь путь праведных, и путь нечестивых погйбнет.

Псаломъ Давиду, 2

¹ Вскую шаташася языцы, и людие поучшася тщётным? ² Предсташа царие зёмстии, и князи собрашася вкупе на Господа и на Христа Его. ³ Расторгнем узы их и отвержем от нас иго их. ⁴ Живый на Небесех посмеётся им, и Господь поругается им. ⁵ Тогда возглаболет к ним гнёвом Своим, и яростию Своею смятёт я. ⁶ Аз же поставлен есмь Царь от Него над Сионом, горбою святою Его, ⁷ возвещаяй повеление Господне. Господь рече ко Мне: Сын Мой еси Ты, Аз днесь родих Тя. ⁸ Проси от Менё, и дам Ти языки достояние Твоё, и одержание Твоё концы земли. ⁹ Упасёши я жез-

ломъ желёзным, яко сосуды скудельничии сокрушиши я. ¹⁰ И ныне, царие, разумейте, накажитесь вси судящии земли. ¹¹ Работайте Господеву со страхом, и радуйтесь Ему с трепетом. ¹² Примите наказанье, да не когда прогнёвается Господь, и погйбнете от пути праведнаго, егда возгорится вскорё ярость Его. Блажени вси надёющиися Нань.

¹ Псаломъ Давиду, внегда отбегаше от лица Авессаломъ, сына своего, 3

² Господи, что ся умножиша стужающии ми? Мнози востають на мя, ³ мнози глаголют души моей: несть спасения ему в Бозе его. ⁴ Ты же, Господи, Заступник мой еси, слава моя, и возносяй главу мою. ⁵ Гласом моимъ ко Господу возвахъ, и услыша мя от горы святыя Своея. ⁶ Аз уснух и спях, востахъ, яко Господь заступит мя. ⁷ Не

убоюся от тем людѣй, о́крест нападающих на мя. ⁸ Воскресни́, Го́споди, спаси́ мя, Бо́же мой: яко Ты порази́л еси́ вся враждующия ми всѹе, зу́бы грѣшников сокруши́л еси́. ⁹ Господне есть спасѣние, и на людех Твоих благословѣние Твоѣ.

Сла́ва:

¹ В конѣц, в пѣснях, псалом Давиду, 4

² Внегда́ призвати́ ми, услы́ша мя Бог правды моея́, в скорби́ распространи́л мя еси́: ущѣдри мя и услы́ши моли́тву мою́. ³ Сынове́ челове́чести, доколе́ тяжкосѣрдии? Вскую́ любите суету́ и ищите́ лжи? ⁴ И увѣдите, яко удиви́ Господь преподобнаго Своего́: Господь услы́шит мя, внегда́ воззвати́ ми к Немю́. ⁵ Гне́вайтесь, и не согрѣша́йте, яже глаго́лете в сердца́х ва́ших, на ло́жах ва́ших умилите́ся. ⁶ Пожрите́ жѣртву правды́ и упова́йте на

Го́спода. ⁷ Мно́зи глаго́лют: кто яви́т нам благая́? Зна́менася на нас свет лица́ Твоего́, Го́споди. ⁸ Дал еси́ весѣлие в се́рдце моемъ: от плода́ пшеницы, вина́ и елѣя́ своего́ умно́жишася. ⁹ В ми́ре вку́пе усну́ и почию́, яко Ты, Го́споди, еди́наго на упова́нии всели́л мя еси́.

¹ О наслѣдствующемъ, псалом Давиду, 5

² Глаго́лы моя́ внуши́, Го́споди, разумѣ́й звање́ мое. ³ Вонми́ гласу́ моления́ моего́, Царю́ мой и Бо́же мой, яко́ к Тебе́ помолю́ся, Го́споди. ⁴ Зау́тра услы́ши глас мой, зау́тра предста́ну Ти, и ўзриши́ мя. ⁵ Яко́ Бог не хотя́й беззакония́, Ты еси́: не приселит́ся к Тебе́ лукавнуя́, ⁶ ниже́ пребудут беззаконницы́ пред очима́ Твоима́. Возненави́дел еси́ вся дѣлающия́ беззаконие́, ⁷ погуби́ши вся глаго́лющия́ лжу: му́жа кровей́ и льсти́ва

гнуша́ется Господь. ⁸Аз же мно́жеством мило́сти Твое́я, вни́ду в дом Твой, поклоню́ся ко хра́му свято́му Твоему́, в стра́се Твое́м. ⁹Господи, на́стави мя пра́вдою Твое́ю, враг мо́их ра́ди испра́ви пред Тобо́ю путь мой. ¹⁰Яко несть во устéх их и́стины, се́рдце их сýетно, гроб отве́рст горта́нь их, язы́ки сво́ими льща́ху. ¹¹Суди́ им, Бо́же, да отпаду́т от мы́слей сво́их: по мно́жеству нечести́я их изри́ни я́, яко преогорчи́ша Тя, Госпо́ди. ¹²И да возвеселя́тся вси упова́ющи на Тя, во век возра́дуются, и всели́шися в них: и похва́лятся о Тебе́ лю́бящи и́мя Твое́. ¹³Яко Ты благослови́ши пра́ведника, Госпо́ди, яко ору́жием благово́ления венча́л еси́ нас.

¹ В ко́нec, в пе́снях о осмо́м, псалом Дави́ду, 6

² Госпо́ди, да не я́ростию Твое́ю обли́чиши мене́, ниже́ гне́вом Тво́им

нака́жеши мене́. ³Помилуй мя, Госпо́ди, яко не́мощен есмь: исцели́ мя, Госпо́ди, яко смято́шася ко́сти моя́. ⁴И ду́ша моя́ смяте́ся зело́: и Ты, Госпо́ди, доко́ле? ⁵Обрати́ся, Госпо́ди, изба́ви ду́шу мою́, спаси́ мя ра́ди мило́сти Твое́я. ⁶Яко несть в сме́рти помина́й Тебе́, во а́де же кто испо́вётся Тебе́? ⁷Утрудих́ся воздыха́нием мо́им, измы́ю на вся́ку но́щь ло́же моё, слеза́ми мо́ими постéлю мою́ омочу́. ⁸Смяте́ся от я́рости око́ моё, обетша́х во всех вра́зех мо́их. ⁹Отступи́те от мене́, вси де́лающи беззакóние, яко услы́ша Господь глас пла́ча моего́. ¹⁰Услы́ша Господь моле́ние моё, Господь моли́тву мою́ прият. ¹¹Да посты́дятся и смяту́тся вси вра́зи мо́и, да возвратя́тся и усты́дятся зело́ вско́ре.

Сла́ва:

¹ Псалом Давиду, егѡже воспѣтъ Гѡсподеви о словесѣхъ Хусіевыхъ, сына Иеменина, 7

² Гѡсподи Бѡже мой, на Тя уповахъ, спаси мя отъ всехъ гонящихъ мя и избави мя. ³ Да не когда похититъ яко левъ дѡшу мою, не сѡщу избавляющу, ниже спасающу. ⁴ Гѡсподи Бѡже мой, аще сотворихъ сие, аще есть неправда въ руку мою, ⁵ аще воздахъ воздающимъ ми зла, да отпаду ѡбо отъ врагъ моихъ тощ. ⁶ Да поженѣтъ ѡбо врагъ дѡшу мою, и да постигнетъ, и поперѣтъ въ зѣмлю живѡтъ мой, и славу мою въ персть вселитъ. ⁷ Воскресни, Гѡсподи, гнѣвомъ Твоимъ, вознесися въ концахъ врагъ Твоихъ, и востани, Гѡсподи Бѡже мой, повелѣниемъ, имже заповѣдалъ еси. ⁸ И сонмъ людѣй обыдетъ Тя, и о томъ на высоту обрати́ся. ⁹ Господь судитъ людемъ: суди ми, Гѡсподи, по правде моей, и по незлѡбе моей на мя. ¹⁰ Да скон-

чаѣтся злѡба грѣшныхъ, и исправиши праведнаго, испытаѣй сердца и утробы, Бѡже, праведно. ¹¹ Помощь моя отъ Бѡга, спасающаго правыя сердцемъ. ¹² Богъ Судитель праведенъ, и крепокъ, и долготерпеливъ, и не гневъ наводѣй на всякъ день. ¹³ Аще не обратитѣся, оружіе Свое очисти́тъ, лукъ Свой напряжѣ, и уготова ѡ, ¹⁴ и в немъ уготова сосуды смѣртныя, стрѣлы Своя сгараемымъ содела. ¹⁵ Се болѣ неправдою, зачатъ болѣзнь, и роди беззаконіе. ¹⁶ Ров изры, и ископа ѡ, и падѣтъ въ яму, юже содела. ¹⁷ Обратитѣся болѣзнь егѡ на главу егѡ, и на верхъ егѡ неправда егѡ снѣдетъ. ¹⁸ Исповѣмся Гѡсподеви по правде Егѡ и пою имени Гѡспода Вышняго.

¹ В концѣ, о точилехъ, псаломъ Давиду, 8

² Гѡсподи Господь нашъ, яко чудно имя Твое по всей землѣ, яко взытъся

великолéпие Твое превыше небес.
³Из уст младенец и ссущих совершил еси хвалу, враг Твоих ради, еже разрушити врага и мéстника. ⁴Яко узрю небеса, дела перст Твоих, луну и звезды, яже Ты основал еси. ⁵Что есть человек, яко помниши его? Или сын человекъ, яко посещаети его? ⁶Умáлил еси его малым чим от Ангел, славою и чéстию венчал еси его. ⁷И поставил еси его над дéлы руку Твоею, вся покорил еси под нóзе его. ⁸Óвцы и волы вся, еще же и скоты польскія, ⁹птицы небесныя, и рыбы морскія, преходящая стези морскія. ¹⁰Господи Господь наш, яко чудно имя Твое по всей земли.

Слава:

По 1-й кафисме
 Трисвятóе, Пресвятáя Трóице, Óтче наш.*

И тропари сия, глас 1:

В беззакóнных зачався аз блóдный, не дерзáю взирáти на высоту небесную, но дерзáя на человеколюбие Твое, зову: Боже, очисти мя грéшного, и спаси мя.

А́ще праведник едва спасáется, аз где явлюся, грéшный? Тяготы и знóя дневнаго не понесóх, но с наёмники единонадесятаго часа сопричти мя, Боже, и спаси мя.

Слава: Объятия Óтча отвéрсти ми потщися, блóдно мое иждих житие, на богатство неизживáемое взирáяй щедрот Твоих, Спасе, ныне обнищавшее мое да не презриши сéрдце. Тебé

*Выражение «Трисвятóе, Пресвятáя Трóице, Óтче наш» означает, что следует прочесть ряд молитв: «Святый, Боже:» (Трижды), «Слава, и ныне:», «Пресвятáя Трóице:», «Господи, помилуй» (Трижды), «Слава, и ныне:», «Óтче наш:» (см. с. 4-5)

бо, Господи, умилением зову: согреших на Небо и пред Тобойю.

И ныне: Упование христиан, Пресвятая Дево, Егже родила еси Бога паче ума же и слова, непрестанно моли с горними Силами, дати оставление грехов нам всем, и исправление жития, верую и любовью присно Тя чтущим.

Господи, помилуй. (40 раз)

И молитва:

Владыко Вседержителю, Непостижимо, начало света и премудрая сила, Иже Ипостаснаго Слова Отец и Единосильнаго Твоего Духа Испуститель: милосердныя ради милости и неизреченныя благодати, не презревый человеческого естества, тьмою греха содержимаго, но Божественными светы священных Твоих учений, законом и пророки светивый

миру, последи же нам Того Единороднаго Твоего Сына благоволивый плотию возсияти, и ко осиянию нас Твоего просвещения наставить: да будут уши Твои внемлюще гласу моления нашего. И даруй нам, Боже, во бденном и трезвенном сердце, всю настоящего жития ночь прейти, ожидающим пришествия Сына Твоего и Бога нашего, Судий всех: да не возлежаще и спяще, но бодрствующе и воздвижени в делание заповедей Твоих обрящемся, и в радость Его совнидем, идеже празднующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков. Аминь.